

按北史及魏書高昌傳並繫此事於熙平元年然下文又有世宗遣孟威勞之之語世宗建元永平若熙平則爲肅宗年號今從通鑑

又按魏書高車傳云高車貢方物世祖詔之曰蠕蠕噉吐谷渾所以交通者皆路由高昌犄角相接今高昌內附遣使迎引蠕蠕往來路絕姦勢不得妄令羣小敢有陵犯擁塞王人罪在不赦又云世宗遣孟威迎至伊吾蠕蠕見威軍怖而遁走彌俄突聞其離駭追擊大破之殺伏圖於蒲類海北割其髮送於孟威以與高昌史事有關今一并錄之

魏書高昌傳云蠕蠕伏圖死麴嘉又臣高車又云前部胡人悉爲高車所徙入於焉耆焉耆又爲噉噉所破滅國人分散